



DE GLANDULARUM; ET NERVORUM
Obstructionibus, ac nimia acrium salium copia.

CONSULTATIO MEDICA

2 U A

JOANN. PAULUS FERRARI PARMENSIS PATRICIUS,
Philosophiæ, & Medicinæ Professor Collegiatus, &c.

SALUTEM QUAMPLURIMAM DICIT

*ILLUSTRISSIMO,
Doctissimoque Philosopho, & Medico celeberrimo*

D. FRANCISCO BONCUORE

DIGNISSIMO ARCHYATRO

Regiæ Celsitudinis Serenissimi Parmæ, Placentiæ,
Castri, &c. Ducis CAROLI Primi,
Magni Etruriæ Principis, &c.



ILLUSTRISSIME DOMINE.



Ervagata est tandiu equissima tuæ vir-
tutis fama, ut non solum ad extrema
Orbis universi eleusinia, sed etiam in
doctissimorum Virorum animos con-
volasse non sit ambigendum; quamo-
brem non mirum, si in hac dubia morbi gravio-
ris idea prudentiori tuæ mentis consilio, tamquam

A

ad

ad Oraculum, minima ingenioli mei hæc Schæda
committatur. Equidem in contentione phyloso-
phica, & tam recondita Autopsia Te digniorem,
reperire haud erat fidendum, cum vasta ingenii
tui capacitate, doctrinæ Orbem amplectaris, ut non
tam in rebus phisicis gerendis, quàm in naturæ ar-
canis indagandis quoscumque præcellas. Tuum,
ergo favorabilem animum ad has Litteras conver-
te, ut hæc mea Lucubrationcula de tuorum dog-
matum anastasi congaudeat, & obsequium meum
amplitudini Nominis tui semper testetur. Vale
igitur Litterarum, & Litteratorum Propugnator
eximius, & me obsequentissimum diutius ama,
quantum amaris.

Dominationis Tux Illustrissimæ

Fanulus additissimus

JOANNES PAULUS FERRARI



DEO AUSPICE, ET AB EO LUMEN.



Obilis Sacerdos, morum candore, & animi præstantia conspicuus, ætatis annorum sexaginta, temperamenti calidi, & humidi, cum propensione ad melancholiam, structuræ mediocris, habitus carnosus, &c. transacto Anno cepit pati rumores aurium cum titinnitu, & capitis gravedinem sentire,

& dum ibat, videbatur non posse gressus dare propter metum cadendi, postea nervorum attractione tam in collo, quam in capite fuit afflictus, cum aliquali læsione memoriæ, vertigine, & cordis afflictione, adeout nec quiescere, nec stare poterat, sed ambulando sublevari videbatur. Ruetus sæpissimè exhalabat, & copiosas emittebat urinas, sed crudas. Acerfuit Medicis subivit purgationem, cum sanguinis missione per venas hæmorroidales, & decoctum Salsæparilæ ad plures dies sumpsit, à quo aliquantulum sublevatum se sensit; modò iisdem ferè gravatur incommodis, cum attractionibus in ipsis partibus, tam colli, quam capitis, & præcipuè in parte sinistra; quapropter à doctissimis, & peritioribus Apollinæ Artis Cultoribus opem poscit.

Diversimodè de his affectionibus scribunt Doctores, cum alii causam illarum determinent pendere à lentore, & sanguinis tardo motu, à quo in omnibus glandulis tantum spirituum non infunditur, quantum sufficiat ad dulcificandum humorem linfaticum, de sui natura acidum, in eisdem glandulis præparatum, unde aucta aciditate, inficiuntur ipsæmet glandulæ, & maxime illæ, quæ per lyenem sunt implantatæ, quarum auxilio succus nerveus, & spiritus animales puriores evadunt, &c. sic *Estmillerus*, & *Veuillius*, cum eorum assensu.

Doctissimus Joannes Jorſ in suis novissimis dissertationibus de morbis *abstrusi*, vult hos produci affectus à cruditatibus, eo quia cruditates à chylo, ob hujus cum sanguine difficiliorem coitum, relictæ, arctiora ejusdem colatoria, & exiles arteriarum meatus obſident, ibique aceſcunt, quo factò, partes ſenſiles vellicantur, & materiam, his contractis, ſede ſua pulſam ſanguini commiſcent, ejusque compagem ſolvunt, qua laxata, particulæ ſulphureæ expediuntur, & furioſè amant exilire; hinc calorem excitari, fermentationem, & rarefactionem intendi, æſtumque cum ſuis ſymptomatibus ingraveſcere, donec factò partium ignearum diſpendio, & ſulphuris baſamici commercio, obſinitis acidis tumultus ſedetur.

Joſeph Gallavatus, Auctor ſanè perdoctus, à nimia ſanguinis falſedine prædicta incomoda derivare putat, quia partes falſæ volatiles tartaro, & ſali fixo degenti in venis, & arteriis ſe ſe intiniſius copulant, & per circulationem alchalitantur, & ſic maſſa ſanguinea, humorum dulcedine depoſita, evadit acida.

Franciſcus de Leboe Sylvius, recenſita mala provenire ſcribit ab obſtructionibus in hypocondriis ex congeneri pravorum humorum, & copia ſalis fixi, adeour tota vis remedii debeat colimare ad illud fixum exhaltandum, ut pncumatosis neceſſaria pro ſanguinis depuratione renovetur.

Mortomus, Jungben, Gladbacchini, & Garvettus, animalium ſpirituum attaxiam, ſi quando ſuſflaminari contingat, vel ſubtilem cartiſtarum materiam, motus libertate privatam, aut inverſam fluidorum texturam obſtructionum, occaſionem cognoscunt.

Hogelandus, & Regerus humores quidem, non ut ſanguinis conſtitutivos, ſed recrementa dumtaxat, cum iisdem ſaturari nimis contingat vitio vertunt.

Jacobus Sylvius præter dictos humores lympham, & bilem, ſeu acidum, & alcali efferveſcendo, aut nimis, aut debiliter poſe accuſat.

Helmontius, hiſce omnibus, ſeu rære productis, & occaſionibus rejectis in ſola Archi indignatione reperit; & **Alphonſus Borellus** ſuccum nerveum in glandulis meſenterii, perpetuam, cribratum, heterogeneis idcirco quiquiliis onuſtum; pro cauſa ſiſtit.

Sebe-

Schelamorus. cruoris recrementa à sanguiferorum vasorum extremitatibus, unde acorem contraxerant venarum in sinu resorpta detrimenti causam esse affirmat.

Ernestus, Naturę, sive Animę energię tantum tribuit, namlcet Vita, ut optimè sentit, non in fluidorum nutu, sed in impellente ipso persistat, tamen quia in operari, non à consilio, sed ab organorum, fluidorumque structura ita dependet, ut iisdem benè constitutis, ut in Cithara consone ornata, optimè, dissonè verò, ut in delirio, pessime incedat; idè quidquid fluida æque ac solida vitare valuerit, & sic ut tonicis, quàm excretoriis naturę, vel animę nutibus obistere queat morborum prophasis jure sistetur.

Alii etiam quamplures Classici Auctores de his affectibus tractantes, suas proponunt opiniones, à suprà recensitis parum dissidentes, sed quia paucis, hoc nostro ævo, concessum est *Philosophicam Palladem* ex proprio cerebro parturire, quia nulla alia Obstetrix fert opem, præter assiduum physicę veritatis studium, à quo obtinetur philosophandi utilitas, hocq; tantum scrutinio, non solum è longitiquo pompas naturales suscipimus, sed in ipsiusmet Naturę sacraria admittimur, mirà animi jucunditate, idè laudabili utar mōre; quo nostris hisce temporibus, liberioris Philosophię præsidio, Veterum dogmatibus Neoticorum experimenta copulantur, & Physiologia, aliàs insipida, & verbalibus tantum disceptationibus scatens, pretiosiori Recentiorum supellectile ditata recentetur.

Ut enim unusquisque possit propriam liberè adducere sententiam quidquid de hisce affectionibus sentiam, æqua lance expendam, ut illa admittatur opinio, quę magis genium veritatis avidum titilet.

Ritè ergò, & seriò examinatis præjudiciis Domini Ægrotantis; mihi videntur duo vitia in hoc esse consideranda; Primum, namque à nimia fermentorum aciditate, à qua procedit crassities totius massę chylosę, per quam flatūs, & ructūs incopia è ventriculo eleuantur, quorum pars in hypocondriis sequestrata, cordis afflictionem, & moerorem, & borborismos producit, & exindè urinx copiosę, & crassę circiuntur: Alterum in diminuta coctione alimentorum, à qua insurgit magna salium

lium acredo, per quam corporis nostri balsamum enervatur, & aliorum symptomatum causæ evincuntur; Patet itaque, ex omnium Doctorum consensu, flatus erumpentes à superiori ventriculi orificio, semper à nitrosis cruditatibus elevari, sic ut impotentiam ad motum itineris potissimum ab obstructionibus nervorum derivare, eo quia, stagnante materia, in principiis eorum, impeditur delatio serositatis, etiam in cerebri porositatibus, si vera scripserunt famigeratissimi *Thomas Vrillius*, *Tompkins Saccus*, *Marcellus Malpighius*, *Georgius Baglivi*, & alii quamplurimi doctissimi Poliatri, à quibus concluditur, quod sales nimis acres, & cum sero inutili circulantes, cum à Natura debito modo non expellantur, & in capitis membranis remaneant, impedimentum generare, & gravedinem producere, sic & motum ab aere implantato in caverna aurium tintinnitum facere, quod si ab usque dictis evincatur, quod veritatis Portum philosophicis inductionibus non attigerim, prudentioribus Medicis locum sistam, ut veriorum proferant sententiam, cum per optimè caleam in rebus physicis Multos ad veritatis Portum aspirare, Paucissimos tamen ad illum pervenire.

Sit ergò conclusio, quod incommoda, à quibus affligitur Dominus Ægrotans, producantur ab obstructionibus, tam in glandulis cerebri, quàm in principiis nervorum à superflua aciditate, quæ sanguini conjuncta illura incrassat, & quadam coagulatione constringit, quod est proprium acidi fixi, à qua coagulatione in multa parte redditur depressus, & fixus spiritus falsus volatilis, ut non valeat conciliare debitam fluiditatem sanguini, prout fatentur concordēs omnes Naturæ scrutatores.

Dicamus etiam, quod cum sanitas, imò vita ipsa, si non primariò, & per se, cum in movente Archæo, scilicet ipso, vel anima insit, sed secundariò saltem, & subordinatè in regulari, & metrico fluidorum motu consistat, hic porrò naturali ab eorum textura, vel cum solidis, juxta *Baglivium*, æquilibrio procedat, in motus cessatione reposita est ejusdem noxa; quidquid stagnationes adducet, causa occasionalis morborum sistetur.

A sanguine igitur sic incrassato, non solum paucitas spirituum perfuit, sed propter crassitiem denegatur etiam eisdem spiritibus

tibus tenuitas, & puritas, quæ pro suis muneribus congrua, & necessaria erat; adeout sic irretitus in annexis particulis, sua tarditate, & constrictione non permittat spiritibus animalibus libertatem pro recta distributione succorum, qui semicocti remanent in ventriculo, & in flatus, & ructus eleuantur, juxta doctrinam celebratissimi *Marcelli Malpighi Præceptoris mei æterna laude digni*, qui harum noxarum Auctores culpavit, sales mox fixos, & austeros, mox volatiles, & acres, fluidorum fistasim invertentes, quare pro eorum correctione, alcalica cujuscumque generis proponit.

Acidum etiam melancholicæ fixum, quamdam producit in massa constrictionem, à qua omnis attenuatio necessaria difficultatur; unde suis particulis terreis irretiti animales spiritus impedimentum, & impotentiam acquirunt ad motum, prout docet egregiè eximius *Pompeus Saccus*, perenni encomio coronandus.

A fero acri, pontico, celtico, & austero generari dicta præjudicia scribit doctissimus *Joannes Baptista Vulpini*, qui calibehata in primis pro horum emendatione, & alcalica omnia proponit, cæterorum remediorum efficaciora. Sed tandem

Ab usque dictis clare pater, quod totus curationis cardo consistit in tollendis obstructionibus, depurandis fermentis, dulcificandis, & moderandis salibus; quapropter laudarem Pilulas tartareas, vel de Ammoniaco, *Quercetani*, seu antimelancholicas à *Fischebio* descriptas, cum aliquibus granis Salis Martis à doctissimo *Lemery* propositi, postea alcalicis absorbentibus, & calibeatis uterer, cum decoctis factis ex falsaparilia, ligno corillo, ebena, & fantalis, & herbis cephalicis, &c. & sperarem, Divina favente pietate, Dominum Ægotantem juvamen non parvum esse percepturum, prout ex corde precor, dum prudentioribus *Poliatris* locum filio, venerabundus, quia *cum sapientibus loquor, paucis indigeo verbis*.

Raptim, sub censura scribebat Florentiæ quarto kalendas Julii, Anno salutis ab ortu Divini Solis 1732.

JOANNES PAULUS FERRARI
Parmensis Patricius, Philosophus, & Medicus, &c.

FLORENTIÆ, Typis Antonii Marix Albizzini. 1732.
Superioribus Permissentibus.

